

**SAMOA**

Faatulagaina o Aiaiga

1. Igoa puupuu ma le amataga
2. Tulafono faapoloaiga e faasaina ai le faatauina atu

---

**2011, Nu. 12****O SE TULAFONO e teuteu ai le Tulafono o Mea Taumafa  
ma Vailaau 1967.** *[11 Oketopa 2011]*

**UA FAIA** e le Fono Aoaofaitulafono a Samoa i totonu o le Palemene ua potopoto e faapea:

**1. Igoa puupuu ma le amataga-**(1) E mafai ona taua leni Tulafono o le Tulafono o Teuteuga o le Tulafono o Mea Taumafa ma Vailaau 2011 ma e tatau ona faitauina faatasi ma avea ma vaega o le Tulafono o Mea Taumafa ma Vailaau 1967 (“Tulafono Autu”).

(2) O leni Tulafono e amata faamamaluina i le aso e tuuina i ai le maliiega a Le Ao o le Malo.

**2. Tulafono faapoloaiga e faasaina ai le faatauina atu** - I le lumanai ai o le fuaiupu 8 o le Tulafono Autu, ia faaofi:

**“7A. Tulafono faapoloaiga e faasaina ai le faatauina atu-**(1) E mafai e le Minisita, e ala i se Poloaiga, ona faasaina le faatauina atu o so o se oloa gaosi po o oloa, po o vasega o oloa gaosi po o oloa mo faamoemoega e fesootai i tulaga o le saogalemu faale-soifua maloloina ua fuafuaina e le Minisita.

(2) O se tagata o ia lea ua na solia lenei fuaiupu, ua na faia o se soligatulafono ma e noatia i se sala tupe e lē silia le 10 iunite tau faasalaga mo aso taitasi uma po o se vaega o se aso a o faagasolo lea tulaga o le a tatau ona faaauau ai pea lea faasalaga.

(3) O le fuaiupu 49(1) o le Tulafono o le Ofisa o Tiute 1977 e lē tatau ona faaogā i lenei fuaiupu.”.

---

**O le Tulafono o Teuteuga o le Tulafono o Mea  
Taumafa ma Vailaau 2011 o lo o faafoeina e le  
Matagaluega o le Soifua Maloloina.**

**Lolomiina e le Failautusi o le Fono Aoaofaitulafono,  
i le pule a le Fono Aoaofaitulafono.**